

## 66 EPISTOLA XXVIII.

mur clarissimam Seraphici Patriarchae sobolem commendatam egregiis, beneque multis titulis.

Prior autem Provincialis Augustinensis Mexicanus, praesentes litteras dans subscriptas atque signatas nomine Provinciae universae Augustinensis sibi commissae, gratiam praefatam, qua majore valet instantia, pronus exoptulat, non sine ingenti gaudio vota sua consocians aliis plurimis.

Deum vero Optimum Maximum enixis quoque precibus rogat, ut quem superno voluit consilio Ecclesiae suae charissimae Maximum providissimum Patrem, Pastorem Summum, multiplici benedictione caelesti cumulatum diu servet, atque protegat, prout res Christiana opus habet, et cupit.

Datas Mexici sub die decima nona Mensis Aprilis Anno a Nato Domino Millesimo septingentesimo nonagesimo.

SANCTITATI VESTRAE

Pedes osculatur quam libenter

Loco Sigilli

Fr. Thomas Raymundus Mercado

Provincialis Mexicanus Augustinensis



## EPISTOLA XXIX.

Rm̄i P. Provincialis Ordinis Praedicatorum  
Provinciae Mexicanae.

BEATISSIME PATER.

V En Pater *Fr. Antonius Margil*, discalceati Minorum Ordinis decor, tantum in hac Indiarum parte Sanctitatis expiravit odorem, ut omnium Regnicolarum linguis celebretur quotidie, ejus mirabilia narrent populi, publicique ei cultus deferendi eorumdem in Domino desiderium in dies pientissimum excrescat. Justum non est meam pro Ven. Servi Dei Apotheosi communi acclamationi vocem deesse, qui non solum hujus Regni tam in Fide novelli sic Fidem roborandam credo, hujus Mexicae Civitatis Venerabilium Cinerum ditatae thesauro vota profutura, ut ad tantarum imitationem virtutum accendatur, sed Religiosos etiam Ordines singulari favore prosequendos, quo eorum jamdiu prostratus erigatur honor, et uberes in Vineam Domini fructus facere consequantur. Nostrorum ergo Civium, universi Regni communibus votis nostras iterum preces adjungimus, SANCTITATI VESTRAE dicta Canonizatione, ut magnificetur Deus in Sanctis suis humiliter supplicantes. Datis in hoc nostro Imperiali Mexico FF. Praedic. Coenobio, manu propria subscriptis, et sigillo majori nostri officii munitis die vigesi-

§. 61.  
V. Antonii mirabilia  
enarrant populi.

§. 62.  
V. Viri Cultus roborandae  
Fidei accommodatus.

ma prima mensis Maii Anni Domini. millesimi septin-  
gentesimi nonagesimi

SSmo P. Domino PIO Divina Providentia PA-  
PAE SEXTO.

Cum devota rever. pedum oscula beatorum

*Fr. Cosmus Enriquez Mag. Doctor Prior Pro-*  
*vincialis.*

Loco \* Sigilli

## EPISTOLA XXX.

Reverendissimi P. Provincialis, aliorumque  
PP. Ord. Praedicatorum Provinciae  
Guathimalensis

BEATISSIME PATER.

Cum non lateat hanc nostram Provinciam Guathie-  
malanam Ordinis Praedicatorum Processum, VESTRAE  
BEATITUDINIS auctoritate, instructum hac in Gua-  
themalana Curia super Sanctitate Venerabilis Servi Dei  
*Fr. Antonii Margil a Jesu* Sacerdotis filii S. P. N. Franci-  
sci primaevis institutoris arctioris observantiae in In-  
diis, pergere jam in Curiam Romanam; cumque vastum  
hoc Regnum initio hujus saeculi felicitatem videndi,  
audiendi, magna cum alacritate experienti vitae  
Sanctitudinem, (Apostolicae sane) Virtutes, miraque  
portenta dicti Venerabilis habuerit: supplex ipsa, quam  
submisso animo paternam vestram interpellat charita-  
tem pro recitatione Officii, debitaque ejus reverentia.

Admirandae ejus vitae fama ubique locorum hujus  
vasti viget Regni, adeoque omnium animis est radi-  
cata, ut neque elapsi anni illius memoriam ex animo  
incolarum abstulerit, neque venturi oblivione obscu-  
rabunt.

Pro tot igitur, tantisque beneficiis, et gratiis a  
Divina misericordia huic Regno interventione Viri hu-  
jus Apostolici cumulatis, non potest non haec nostra

§ 64.  
Sanctitatis fama nul-  
la temporis diuturni-  
tate consenuit.

Provincia in genua se devolvere vestra, humiliterque exposcere, ut SANCTITAS VESTRA boni consulat nostram hanc precationem, obviisque eam ulnis accipiat, et dignetur assentiri nobis, ut hoc Regnum publicam dicto Venerabili exhibeat in Altaribus venerationem.

Vestram etiam supplici animo Apostolicam benedictionem supplicamus in hoc Guathemalano Conventu Sancti Patris Nostri Dominici die 10. Mensis Martii anni 1790.

- Fr. Carolus Cadena Prior Provincialis  
 Pr. Joannes Infante Praesentatus, et Prior:  
 Fr. Joannes Terrassa Inter.  
 Fr. Michael de Cordova Minister Ex-Provincialis  
 Fr. Antonius Macal Magister  
 Fr. Joseph Garriga Prae. ac Ex-Provincialis  
 Fr. Antonius Quiñones Praed. Generalis, et Sub-Prior  
 Fr. Emmanuel de Cordova Praesentatus  
 Fr. Bruno ex Lamo Praed. Gen.  
 Fr. Marianus Josephus de Escobar M.  
 Fr. Joachim Figueroa S. Th. Lector  
 Fr. Thomas Collado Lector Philosophiae  
 Fr. Joseph Ramirez Lector Theologiae.



## EPISTOLA XXXI.

Reverendissimi Provincialis Ord. Discalceatorum B. Mariae de Monte Carmelo  
 Provinciae Novae Hispaniae

## BEATISSIME PATER.

SANCTITATI VESTRAE, cujus suprema in Ecclesia potestas, et ad ejus profectionem indefessa cura in his dissitis Regionibus et patenter agnoscitur, et reverenter colitur, testatum facere censui quod vidi, quod perspexi, quod manus contrectaverunt meae de fama Ven. Servi Dei Fratris Antonii Margil Apostolici Guadalupensis Collegii perillustris fundatoris. Cum Dei gloriae, proximorumque salutis actus zelo magnam horum Regnorum partem Evangelicis praedicationibus circumcursaret: quae fidei rudimenta parvulis edocebat, quaeque monita salutis rudibus dabat, a parentibus ad filios transmissa, adhuc post tot temporis decursum, a pluribus memoriter retinentur, inter laborandum publice canuntur, et in Indorum tuguriis devote recitantur. Quantum si horum omnium Magister a SANCTITATIS VESTRAE ineluctabili iudicio inter Beatos adscriptus videatur, et fides, et pietas accepturae sint incrementum, SANCTITATIS VESTRAE discretioni existimo potius relinquere librandum, quam extollere meis rationibus conari. Quapropter ad SANCTITATIS VESTRAE pedes provolutus humiliter

§. 65.  
 Regnantis Pontificia  
 in regenda Ecclesia  
 excelsa vigilantia, at-  
 que studium.

§. 66.  
 Apostolici Viri fru-  
 ctus etiam nunc perse-  
 verant.

pariter, et enixè rogaturus accedo, ut hujus Ven. Servi Dei Causa, quam coeptam feliciter conspeximus, a SANCTITATE VESTRA perfecta conspiciatur. Interim Omnipotentem Dominum deprecor, ut ad Ecclesiae suae decorem SANCTITATEM VESTRAM servet incolumem. Datum Mexici decimo Kalendas Maij MDCCXC.

BEATISSIME PATER.

Sanctitatis Vestrae pedes osculatur humillimus,  
et obsequentissimus Servus

*Fr. Emmanuel ab Annuntiatione Provincialis  
FF. Discalceatorum Beatae Virginis Mariae  
de Monte Carmelo Provinciae Novae-Hispaniae.*



## EPISTOLA XXXII.

*Rm̃i P. Provincialis, totiusque Definitorii  
Ord. B. M. V. de Mercede Redempt.  
Captivorum Provinciae  
Mexicanae.*

P I O S E X T O

PONTIFICI MAXIMO

*Ordo Beatae Mariae Virginis de Mercede Redemptionis  
Captivorum Provinciae Mexicanae salutem  
sempiternam desiderat.*

Filii tui de longe veniunt, BEATISSIME PATER, ab Indiis scilicet occidentalibus usque ad Vaticanum Romae, et ad Tuos Sacros Pedes provoluti, humiliter, sed enixe petunt, ut Causam *Venerabilis Servi Dei Antonii Margil a Jesu* benigne suscipias, et ad finem tandem perducas pro tua pietate quam etiam nomine praefers. Ultimi ejusdem Causae Processus ex commissione Apostolica formati nunc redeunt ad Sanctam Sedem, et in illis, ut speramus, satis superque constabit de fama Sanctitatis, de Virtutibus, de Miraculisque praedicti Servi Dei, ac proinde illius canonica Sanctitatis declaratio cedet in honorem, et gloriam ipsius Dei Omnipotentis, in Religionis Christianae incrementum, et Fidei Catholicae praeclarum testimonium

§. 67.  
*V. S. D. Beatificatio  
Fidelibus profutura.*

§. 68.  
Americae Apostolus  
appellatur.

in his praecipue partibus Septentrionalibus, quae vere sunt fines Orbis terrae, ubi exivit sonus praedicationis istius novi Apostoli, à Deo suscitati pro conversione Gentilium ad veritatem, et innumerabilium Peccatorum ad poenitentiam. Causa est communis totius novi Orbis, sed valde peculiaris etiam Ordinis Mercedensium mille titulis, quos longum esset narrare: propterea imploramus Clementiam tuam, et obsecramus Te, SANCTISSIME PATER, ut implere digneris Vota nostra, vota inquam colendi super Altaria fidelem Servum Antonium qui tot labores incredibili fortitudine, patientia, humilitate, et gaudio pro Dei gloria, et Animarum salute toleravit. Mexici pridie Kalend. Maii Anni Domini millesimi septingentesimi nonagesimi.

BEATISSIME PATER.

Ad Sanctitatis Vestrae pedes minimi, sed obsequentissimi Filii

Fr. Joseph Baez Provincialis


Fr. Gregorius Corte Definitor

Fr. Antonius Badillo Definitor

Fr. Joachimus Ramirez Definitor

Fr. Antonius Garzen Definitor

Fidem facio Fr. Josephus de Araw Secretarius



EPISTOLA XXXIII.

Reverendissimi P. Provincialis aliorumque  
PP. Ord. Redemptionis Captivorum  
Provinciae Guathimalen.

BEATISSIME PATER.

ÆQUITATIS motus, gratitudinisque impetus eo sane hujusce Redemptorum Guathimalanae Provinciae tenuitatem impulit, ut ad SANCTITATIS VESTRAE pedes accedere humillima decreverit, Sanctissime Domine. Jamdudum Regnicolarum nitida constanti traditione virtutum, miraculorum, caeterorumque charismatum Venerandae memoriae Fratris Antonii Margil a Jesu ad satietatem usque feliciter instructa, nihil illi adeo faustum suspicabatur, quam illustrissimi viri Virtutum palam praeconium texere, ipsiusque apud potentissimum Dominum intercessionem exorare devote, in conspectuque Fidelium, pro divinis acceptis illius interventu muneribus, potentissimo Regi, hujus Regni habitatoribus Novum Apostolum concedere dignato, respondere grates. Interea amplissima Autoritate Vestra ab istius Civitatis Ecclesiastica Curia supra Sanctitatem eximii illius viri finito Processu, tandem aliquando voti compotem fieri (uti humiliter postulat) a VESTRA SANCTITATE firmissime expectat.

§. 69.  
America sui Apostoli  
gloriam in terris de-  
clarari ardentem ex-  
pectat.

SANCTISSIME PATER.

Sanctitatis Vestrae humillimi Servuli

## EPISTOLA XXXIII.

Guathimalae postridie Calendas Aprilis Anno  
Domini MDCCXC.

Fr. Emanuel Ordoñez

Fr. Joannes Josephus Cordova

Fr. Simon Josephus Collado

Fr. Augustinus Mendoza

Fr. Marianus Joseph Lopez Rayon

Fr. Felix Vaquera Secretarius



## EPISTOLA XXXIV.

Rm̄i Defnitorii Vice Generalis  
Ordinis Bethlemitici.

BEATISSIMO PADRE.

BEATISSIMO PADRE

**E**L Defnitorio Vice General de Belemitas de esta Santa Provincia de Nueva España por actual ausencia de su Prefecto General a nombre de toda la Orden Belemítica, y como miembro del Estado Ecclesiastico de estas Colonias Españolas, con el mas religioso respeto eleva alla consideracion de V. B. el universal incomparable anelo con que todos los habitantes de ellas esperan el dia felicissimo de la Beatificacion del Ven. P. Fr. Antonio Margil Religioso de la Orden Serafica, y la edificacion general, y frutos copiosissimos, que debe producir

**I**L Defnitorio Vice Generale de Bethlemiti della Provincia della nuova Spagna, per mancanza attuale ed assenza del suo Prefetto Generale, a nome di tutto l'Ordine Bethlemitico, e come membro di queste Colonie Spagnuole con il più religioso rispetto porge alla considerazione della S. V. l'universale incredibile desiderio, con cui gl' Abitanti delle medesime aspettano il felicissimo giorno della Beatificazione del Ven. Fr. Antonio Margil, Religioso dell'Ordine Serafico; ed altresì l'edificazione generale, e

§. 73.

Religiosis Inderum  
antimis V. Antonii Cul-  
tus plurimum gaudii,  
ac reboris allaturus.

este dichoso logro en los  
espíritus Americanos dociles  
en extremo a las impresio-  
nes de Religion.

Esta felicidad, en que se  
interesa no poco la Iglesia  
Americana, y particular-  
mente el Colegio Apostoli-  
co de Propaganda Fide de di-  
cha Serafica Orden situado  
en la Ciudad de Zacatecas  
la gradúan los Belemitas co-  
mo propia: en cuja conse-  
quencia, y en la de hallar-  
se concluidos los procesos  
por commission Apostolica.

A Vuestra Beatitud supli-  
can con la major eficacia se  
digne proceder a su acce-  
ptacion, y dedicar todos  
los esfuerzos de su piedad al  
deseado progreso de esta  
Causa. Gracia que esperan  
merecer de la notoria beni-  
gnidad de V. B.

BEATISIMO PADRE

*frutti abbondantissimi, che  
dovrà produrre un sì for-  
tunato acquisto negl' animi  
Americani; docili all'estre-  
mo in cose riguardanti la  
Religione.*

*Questa felicità, che  
interessa non poco la Chie-  
sa Americana, e partico-  
larmente il Collegio Apo-  
stolico de Propaganda  
Fide del detto Serafico Or-  
dine, esistente nella Città  
di Zacatecas, li Betlemiti  
la reputano, e risguarda-  
no come propria. Per lo  
che ritrovandosi terminati  
li Processi fatti per com-  
missione Apostolica, suppli-  
cano con la maggior effi-  
cacia la S. V., che si de-  
gni d' accettarli, e d' im-  
piegare la dilei somma pie-  
tà nel bramato proseguì-  
mento di questa Causa;  
grazia che sperano di ri-  
cevere dalla nota bontà  
della SANTITÀ VO-  
STRA.*

BEATISSIMO PADRE

Fr. Domenico de Gua-  
dalupeFr. Domenico di Gua-  
dalupe.Fr. Antonio de la M.  
de DiosFr. Antonio della M.  
di Dio.Fr. Joach<sup>n</sup>. de la Con-  
cep<sup>n</sup>.Fr. Gioachino della  
Concezione.Fr. Geronimo de S. Jo-  
seph.Fr. Girolamo di S.  
Giuseppe.

## EPISTOLA XXXV.

*Rm̄i Vicarii Generalis Provinciarum  
Ord. Hospitalaris S. Joannis de Deo  
in Indiis Occidentalibus.*

SANCTISSIME PATER.

**T**uae Beatitudinis obsequentissimus Filius in Christo, Frater Michael a Gaviola, Mexici Terrarumque Indiae Occidentalis Provinciarum Hospitalarii Ordinis B. P. N. Joannis de Deo Vicarius Generalis, Christianae pietatis permotus Zelo, Dei, Sanctorumque gloriae admodum cupidus, demissas TUAE BEATITUDINI preces populorum suis adjunctas benigne intueri queas sollicite et enixe quantum valet exposcit, ut citius, quantum fieri possit, Americanis gentibus toties optatam, atque cunctorum expetitam votis Ven. *P. Antonii Margilij* Ordinis Minorum Canonizationem adeptam celebremus.

Hanc, inquam, demisse, et humiliter a TUA BEATITUDINE meo, et meae Religionis nomine oro, et exposco ad optimam Religionis, et Regularium Ordinum gloriam, et ut totius Trinitatis omnipotentia sit magis, et magis perspicua; quoniam a Solis ortu usque ad occasum lumen vultus ejus, (quod in omnibus statibus dat hominibus perfectionem, et omnem Virtutis perfectam agnitionem) infixum est tam enixe in dicto Venerabili.

Tuae

3. 71.  
*Ex Margilii Beatificatione Regularibus Ordinibus ornamentum accedet, Dei gloria misabit.*

TUAE BEATITUDINIS ac SANCTITATIS sit digna vita ejus, ut miraculorum aprobatione (si justè debet fieri) istis Regionibus tam optata felicitate, adimpleatur gaudium, et meum meaeque Religionis in omnibus excellat.

Et ut Tua, BEATISSIME PATER, felicitas sit plena, Deus in via veritatis conservet, et vivificet, sicut humiliter orat tuus obsequentissimus Filius. Mexici quarto ante Kalendas Junii Anno Domini MDCC-LXXX.

Vestris pedibus advolutus.

*Fr. Michael Gaviola.*

